


石倉十二代詩選

八十五



明式三之五

漢書門		
三	七	四
九	七	函
一	四	二
冊	架	冊

內閣文庫		
三	九	函
一	四	冊
四	冊	架

內閣文庫	
番號	漢 3745
冊數	142 (87)
函號	319 25

明詩廿三八

八十五



雪蓬先生傳

淺草文庫

黃哲字庸之番禺人世爲荔灣著姓哲弱冠而
孤刻苦讀書通五經嘗借人文選手抄之沈玩
究竟遂能作詩造晉唐粵域性好山水結廬蒲
澗栖息其間往來羅浮峽山南華諸名勝自以
爲未足乃辭家陟庾嶺過吳楚游燕齊間一時
湖海英豪皆與游焉偶雨雪時泊舟秦淮遇朱
文昭涂穎輩相與握手吟詠沽酒大噱二人喟
曰君才如白雪吾雖知音如寡和何自是益有

歷代詩選 明黃后之作
名龍鳳中

太祖爲吳王駐師金陵招徠名儒哲爲丞相李善長參政張鼎汪廣洋所知交薦之乙巳建吳國拜哲翰林待制入書閣侍太子讀書尋兼翰林典籤輔導盡職丙午六月左丞相徐達北伐捷聞上命賦詩稱吉及鍾山祈雨獲應御製七言詩志喜命哲賡之其見重如此洪武初奉使青徐諭諸反側尋出知山東東阿縣吏胥初以儒士易之哲剖決如流案牘無停者且不

事繳繞苛察民樂其寬值旱詣洪範池祠禱詞吉哀惻甘澍應時優洽民謹曰此黃公雨也很溪有怪物善爲幻能竊人啗之哲爲文禱于天湏臾風雨大作一青蛟斃水上邑人訝以爲通神時經毛貴亂後民多流徙他處聞哲善政復其業者亡慮數千人辛亥四月升東平府通判東阿士民遮道攀泣抵府境乃返是歲黃河決梁山中書省發民疏濬哲董東平之役經畫有方民不告勞有司欲堰黃陵岡哲建議謂此乃

歷代詩選 曰書之傳 二
胡元之覆轍不可以爲法事遂寢尋上疏陳時
務數十事 上怒其狂妄會山東分省奏哲捐
俸脩先聖祠築水隄湖有成績乃釋不問哲亦
乞歸得允既還有司請哲領郡校事橫經授徒
歲凡數百人乙卯四月召回山東以他事註誤
竟寘于法郡邑人士家爲奠祭哲始北上時倚
篷聽雪常自詫曰天下奇音妙韻出自然者莫
是過也歸構一軒名聽雪篷學者稱曰雪篷先
生子德輿輯其詩文十卷行于世

石倉十二代詩選

明詩卷之廿三

雪篷集

大明 南海黃哲著
後學曹學佺閱

臨高臺

臨高臺高臺百仞凌雲開丹霞曙色明九垓咸
陽王氣何佳哉交疏結綺紛崔嵬虹橋複道雲
中來直過南山表雙闕遙連北極正三階宛轉
朱闌臨渭水蜚簾觀閣通天起銅龍高拱日華
鮮青雀翻翻月明裏鳴璫搖珮溢層城錦幄芙

唐什言選 日書眉六
蓉翡翠屏寶鼎香酥調玉食金莖瑞露屑瑠英
瑠英玉食知難老鸞鏡青蛾爲誰好君王八駿
上瑤池日暮長門怨芳草芳草年年換物華瑤
池歌管醉流霞皆傳阿母桃成實又獻安期棗
似瓜蟠桃碩棗真堪羨方朔詼諧侍懽宴題詩
爭擬柏梁新求仙豈意桑田變願得層臺吏萬
重崑崙西望接崆峒能共赤松鞭彩鳳仍隨軒
后駕蒼龍顧視淒淒茂陵道惟餘隴樹生秋風

戰城南

君不問陰山救勒川胡兒飲馬來翩翩狼頭大
纛三萬落鸞弧注槊雄燕然烏桓古道黃沙塞
青塚荒原白骨田漢將鷹揚遙度磧戎兵獸駭
復窺邊邊烽夕照甘泉殿殺氣浮空白如練右
地連營夜合圍左賢鳴鏑朝馳戰聞道嫖姚新
築城先令都護出奇兵三門八陣互纏繞萬衆
一心同死生偏裨轉鬪血凝肘箭鋒流星餓鴟
吼卷甲遙舉大校旗橫戈怒落單于首愁雲慘
日共亡胡敗馬號鳴霜草枯金裘寶玦青珊瑚

闕氏花顏泣路隅。含悲掩袂辭穹廬。彫盤跪進
紫駝酥。軍中椎牛日高會。蒲萄寒香濃不醉。振
旅先論衛霍功。封侯未數金章貴。封侯意氣本
雄豪。誰識沙場汗馬勞。惟有城南征戰地。鬪髀
京觀長蓬蒿。

白苧詞

長洲宮中花月輝。彩雲夜傍瓊樓飛。吳姬娉婷
白苧衣。揚蘭拂蕙春風歸。花籌傳觴注紅玉。月
鏡當筵掩明燭。低環按節宮調促。嫣然一轉亂

心曲。夜長酒多懽未足。驚烏啼向東苑樹。星河
闕干正當戶。明眸皓齒歌白苧。蛾眉嬋娟花月
妬。含情奉君君莫顧。雲中璧月易盈虧。葉底穠
華多盛衰。願爲寶階千歲石。長近君王雙履綦。

雉朝飛

野田無人蒿草薄。羣雉斑斑草中落。五月禾熟
桐風清。南陂北陂聲啾啾。東方漸高晨露晞。金
翎繡項爭光輝。桑畦如霧行不見。雄鳴挾雌驚
復飛。渴飲幽澗泉。饑啄野田粟。羣雛來哺聲粥

月什言遠
日書唐之
三
粥寧向郊原抱耿介不羨雲霄競高逐魯恭慈
仁桑陰自馴鰥笑竊傷犢牧采薪下防虞羅上
畏鵬鸞朵頤垂涎羣動交虐聖人祝網天網疎
八紘山澤無畋漁蓬機艾戈無爾圖朝出陌上
飛暮還蒿下居翼衆雛今行且呼飲而啄兮寧
爾軀雉兮雉兮樂何如慎勿變化陳倉爲恠誣

烏棲曲

九月過姑蘓江頭霜草枯吹風吹葉盡愁殺夜
棲烏棲烏月明裏霜重驚還起無處托安巢啞

啞渡江水江波淺復深東去無還心白苧吳宮
曲能成哀怨音只言懽樂長相保青春幾時秋
又老可憐西子斷腸花不及虞姬美人草舞罷
垂楊金縷衣椒房絳燭明星稀越騎爭馳海山
動吳歌尚繞梁塵飛梁塵飛飛白苧哀烏啼夜
半閨門開鴟夷浮江麋鹿來月明猶照姑蘓臺
自君之出矣

自君之出矣無處托鱗音思君如晝燭淚盡不
明心

歷代詩選
初八書閣呈董宗文博士兼簡同舍諸公
河關歇王氣淮南檀英靈天眷迪皇運人謀歸
聖能石城雄虎踞鍾阜宛龍騰紫署弘東閣青
門踐北陵來王玉帛至訪道蒲輪徵髦英起幽
谷俊乂羅明庭變豹蔚華彩非熊聞作興朝儀
制述美錫賚恩庥承前席思賈誼橫經推戴憑
奚爲遠枝鵲亦企圖南鵬芸軒蠹簡輯蘭署鴛
班升高策屢懷董名流知慕膺追陪虎禁人被
遇龍門登仍慙匠石顧用匪輿輪勝毋云弃禔

朽庶以從規繩

十月二十一日四望山陪祀禮成呈諸執

事

玄明開朔序禋類卜辰良武成遵誓命汾峙備
馨香惟皇儼雍穆對越思洋洋凝旒仰坤壤授
律挾乾綱風雲從龍虎樂舞登鳳凰珪幣有容
秩綏纓紛煥煌苾芬旣明誠盼饗迴穹蒼茲焉
迪昌運赤伏臻遐祥徂征乃自葛義旅時膺揚
同德奮熊羆桓桓先啓行阿衡重麾鉞跪轂觀

歷代詩選 日章序之 五
旂常海岱仍率職堪輿希泰康繁祠陋衰典昭
告紀興王羣英聿來助委珮鏘珩璜多儀動文
彩列宿開榮光庸繭忝趨承賡歌聆頌章宸猷
願終述豁達垂無疆

過梁昭明太子墓

帝子降南浦飄飄銀蒼桂陰神飈迴震闕玄跡闕
坤岑鳳陵輝璞蘊龍沼媚珠沈文藻絢華轍芳
芬揚素襟遺編軼正雅曠代馳徽音玉馬風雲
變金鳧歲月深霜蘭秋被坂煙蘿夕翳林采蘋

思永薦捐玦遂幽尋靈脩忽爾逝歲晏勞予心
遼東鶴馭遠緱嶺鸞笙吟眇眇因懷昔營營徒
慨今瑤華竟衰歇惆悵雍門琴

送道士蔣玉壺還茅山

華陽初慕道羽服依巖際辟穀咽晨霞朝元結
真氣朗吟扶桑頌伏謁三茅氏却駕雲中龍來
游人間世談玄蓋珠闕稽首張樂地調笑笑芙蓉
笙聲飄鳳凰吹僕愧金門彥時聞玉簫偈方忻
蘭苑晤忽念荷衣逝欲和瑤臺章幡然紫煙閉

歷代詩選 日章廟之
石室縈翠芝丹丘藹松桂望望勞予心猶懷碧
山契

東平謁堯祠

初政禮羣秩晨趨鄆陰郭稽古詢道源放勳久
徂落齋宮委華柎黼辰銷丹堊庭榛雉雉升裳
蘇宗燹剝惟馨思可薦廢墮予猶作緬言垂衣
時東狩茲方岳儀像儼欽明聲容被綿邈茅茨
遵曩儉堦冀傳舊朔遺澤紛在斯今皇仰先覺
亦播康衢謠紹爾雍熙樂

曲阜里謁廟

解組辭鄆郭驅車循魯坳前登闕里近端仰素
王靈荷蘭遺芳潔神檜鬱葱青時化洽千祀奎
光浮四溟多儀殷廟享斯文傳壁經几筵猶設
席容秩儼克庭所念迷塗者空瞻明德馨困蒙
今獲吝幽悱未遑寧靡靡寒水至塗塗朝露凝
邁回馳驅意夙夜思儀刑

洪範祠龍池禱雨獲應命隱士劉文正暨

邑中羣彥

齊沐戒徒御。星言趨絳壇。屬茲愆陽序。雩祀罄
衷丹。龍湫窅深闕。神物時蜿蟺。馨潔始云薦。靈
祈紛可干。沛然感敷施。霖霖濟多難。浙浙在林
畹。冥冥被岡巒。焦原幸沾濡。庶類同忻懽。鳴鶴
集穹窒。翔鱗躍紋瀾。郊垌悅童耆。庠塾慶衣冠。
所協詠歸趣。方希民俗安。賡歌誦雲漢。玄化奚
能殫。

弔陳思王

鄴都雄盛日。英才妙七賢。夫君照乘珠。五色麗
且鮮。西園倡華藻。東洛賦嬋娟。游鸞翔朝旭。翠
葉映碧漣。始協棣華美。寧虞箕豆煎。桐圭空錫
社。銀海閉陰泉。白楊翳荆榛。狐兔穴其阡。喟然
兼山嘆。肯企淮南僊。

贈劉宗弼司業赴浙西僉事

晨頌錦花誥。夕飲絳紗帷。聊當持憲節。詎是解
逢衣。於越山水秀。吳江鱸鮒肥。移舟發白下。搖
旆出江畿。川寒葭葦靜。天清鴻鴈飛。勿念離羣
速。承明應復歸。

秋夜雜興呈涂典籤頌

璿杓運西宇。華月麗中楹。坐知流序易。瑤夜秋
風生。銀漢呈宵景。金堂含夕情。柔條棲湛露。嘉
蕙茁幽莖。撫迹遂成感。如何君遠徃。相思雲陽
浦。岿峩限玉京。鏡鸞停趙舞。箏鳳歇秦聲。寸心
渺何極。搖蕩如懸旌。

擬古

魯連天下士。夙蘊匡世材。却敵愧論賞。英聲騰
九垓。燕昭市駿骨。樂毅趨風來。虎戰躍中野。名

成真壯哉。僕本江海人。西登鳳凰臺。感此千古
意。長吟屢興哀。朝經夷門市。夕醉高陽杯。揮戈
拂倒影。義輪爲之迴。寶匣約青蓮。龍文拭輕埃。
神光夜揮霍。按舞何如舞。騰驤爲君舉。願掃浮
雲開。

簡涂叔良朱仲雅二博士

貞士多苦節。考槃依澗陲。叢蘭珮芳潔。悅懌遂
幽期。至德無終逸。明揚膺盛時。茲焉華東閣。俊
乂相追隨。列宿呈光彩。翔飈清羽儀。皇謨敷禹

訓風雅泛周詩幸俾織蒙器叨承陪絳帷何因
永斯好介爾崇明禱

舟次靈洲候鄜雄飛使回不至

湛露晨未晞秋華被原隰征途夙已戒承命履
遐邑桂水寒悠悠揚帆望不及川鱗想同泳羈
羽尚云戢維楫垂素期臨流重於邑睠然沮溺
耦詎洒楊朱泣惆悵芳菲情日暮空佇立

秋月篇

金商鳴素節瑤律屆先秋始見西陵月嬋娟滄

海頭清規臨夜浦澄影際天浮媚浦沈珠迥疑
波掣練收常懸鵙署初照鳳凰丘碧落宵同
映銀潢曉共流梁園生綺夢陳樹感芳憂爽洽
征人袂光含思婦樓玉臺情木已鸞鑑影空流
詎惜盈虧屢仍知晦朔周關山隨別騎淇水送
行舟碩逐餘輝去蘭臺奉夕遊

與伯貞或華二友會

二妙聯英標睠言顧榛莽良晤諧夙心玄談慰
幽愴江蘼澹新綠谷鶯聞遠響感此離索情浩

歷代詩選 卷之三
蕩燿霞想。夷白抗浮雲。臨清延素賞。何因繼芳躅。一丘同偃仰。

題蒲澗讀書處

編茅臨巨壑。伐木憇幽巖。攜琴初涉澗。投冊靜窺潭。麗澤方求益。知人諧所耽。靈芬遙可挹。淵物坐能探。野鶴聞朝誦。霜猿聆夜談。董幃涼結蕙。管榻淨霏嵐。予志在山水。宜從雲外參。

秋日懷友

雲館秋氣涼。前楹新雨歇。涼飈振清籟。炎景豁

餘烈。時菊有芳華。露棠飄絳葉。慨此搖落情。於焉謬司業。端憂鬢髮變。和俗性靈竭。貞履期可堅。玄言詎當接。渺渺睇川梁。日暮方舟涉。

分韻得也字贈林生瑛克貢

冰霜戒玄律。游子發中野。筵几惜離羣。壘樽企傾寫。庭柯覆喧鳥。場藿維征馬。錫貢擬瓊琳。光輝孰云舍。文淵穆奧典。璧水觀儒雅。拔鱗爾所之。附驥吾哀也。滔滔歲華晚。積雪晨飛洒。行矣慎毋淹。長懷問津者。

錢匡伯寬領歸善邑教

橫塘候秋色芳葉颯已變渺渺波上舟忽如翔
風燕琴觴激幽思籩豆徒有踐所念同襟者飄
颻各鄉縣章逢協冲素况復斯文彥此邦多奇
勝名山蔚葱菁暄壑樓雲霞寒松閱霜霰爾行
問津處沮溺因可見

贈錮仁仲昆季還浙東

沈憂自多緒復此送歸人昨夜淮南雨不知芳
樹春竭來持別酒相與慰茲晨日暮行艫渺東

雨瀟越津

遊泰山


今年初出承明班折腰從政青徐間神州二月
雨新霽我來萬里觀名山名山泰岱連雲上鄒
嶧徂徠鬱相望晨霞彷彿見丹崖旭日曛曠射
青嶂羽服逍遙山際行垂蘿磐石漸迴縈喬木
千章寒谷秀陰泉百道曉虹明玄都太古瑤階
在石室丹爐長不改中林迢遞躡天門五色芙
蓉耀光彩東極羣真鳴珮環招搖玉女開金關

歷代詩選 明黃庸之
蒼龍飛去溟海濶黃鶴下喚清風還奎壁祥光
生縹渺日觀扶桑擘昏曉登臨今日九州同顧
視寧論萬山小名嶽齊天天下知齋官虔潔闕
靈祇寶鼎椒蘭騰馥郁芝楹華蓋仰葳蕤祠官
祝釐朝擊鼓玉童吹笙雙鳳舞魯祊秦祀變浮
雲后土精靈夜相語功成世世來登封明堂駿
奔朝岱宗翠華行處入歸鳥樛木盡亞隨飛龍
微茫玉簡無人識綠壇陰洞秋聲急但聞松喬
遺素書我欲因之蛻凡骨絕頂玄芝應再生神

游早顧拋塵纓笑騎蒼兕驂太乙稽首銀臺超
上清

河渾渾洪武辛亥夏河決作

河渾渾發崑崙渡沙磧經中原噴薄砥柱排龍
門環嵩絕華熊虎奔君不聞漢家博望初尋源
楊旌遠涉西塞垣窮探幽討事奇絕云是天津
銀潢之所接葱嶺三時積雪消流沙萬派從東
決東州沃壤徐豫之墟懷山襄陵赤子爲魚夕
沒鉅野朝涵孟諸茫茫下邑皆涂汗民不粒食



歷代詩選 明詩卷之三
鄉無廬桑畦忽變葭菁澤麥壠盡化龜龜居宮
中聖人方盱食羣公夙夜憂曠職星郎又乘博
望槎西去盟津求禹迹始聞古道行千艘一朝
勢轉纒容舸奔衝倏忽駭神恠淺不浮漚泥沒
等閒我上梁山望曹濮長嘆滄桑變陵谷萬人舉
錘功莫施猶擬宣防再興築宣防漢武威曷若
堯無爲洪波闊九載端拱垂裳衣玄圭錫夏后
安得辭脍脍龍門一疏鑿亘古功巍巍巍巍功
可成河水渾復清

奉和

聖製鍾山禱雨獲應

天蒼蒼運乾剛雨暘時若民乃康孰今燠旱憂
吾王九土如焚嗟亢陽天津欲竭陰虹藏王心
靡寧時惻傷桑林罪已德進湯齋宮對越騰馨
香真宰默應徵休祥靈祇率職妖魍穰先驅靈
霽舞商羊天瓢一舉敷四方甘霖信宿仍汪洋
勾龍后土占歲穰黍稷報功王道昌百辟慶忭
懽聲揚小臣頌述歌虞唐四序順成民弗殃巍
巍端拱垂衣裳天蒼蒼德無疆

行路難爲洪都義士楊安賦

粵客慕遠遊。東來訪仙洲。扶桑弄赤日。簸蕩神
鰲丘。天吳變現橫蛟虬。狂瀾欲濟無輕舟。我心
西悲安可極。九疑回望丹山色。斑竹荒祠暮雨
深。湘靈淚盡湘江碧。直欲排雲窺九關。長風蕭
蕭去不還。鼓刀擊筑行路難。相逢楊子傾心肝。
此公平生負奇氣。對我高談論經濟。宮中聖人
急徵賢。君材磊落終難棄。平生耻作侯門賓。聲
華滿座驚陳遵。黃金結交重然諾。白首相知

故新子亦高陽舊徒侶。憐君踟躕隨風塵。知君
愛君心獨親。相逢正值秦淮春。秦淮茫茫春水
綠。春風撲缸春酒熟。登樓一醉成悲歌。起舞龍
泉悄絳曲。君不聞神鷹來脫鞵。上縑搏呼夢刷
秋空高。焉能委翅隨斥鷃。喧啾俛啄棲蓬蒿。又
不聞留侯五世誇相韓。徇節忘軀西入關。功成
乃慕赤松去。富貴浮榮非所干。爾有萬古心。時
來亦如此。魯連欲奚爲。欲蹈東海水。行路難難
可量。海水尚可濟。身名須自強。願爲黃鶴雲中

歷代詩選 卷二十三
翔凌風振翮超八荒

寓治穀城寄京華親友

金陵別時春已半。含桃吹花鶯語亂。羣公送客
勞勞亭。王事驅馳不敢緩。折腰從政真可憐。貂
裘欲救寒無氈。青徐古道暗荆棘。二月黃河水
塞川。戰場蔓草縈白骨。城都蕭條狐兔窟。柳塞
胡笳夕厭聞。花門突騎時還出。獵火荒涼夜合
圍。聊城關外羽書飛。將軍轉戰畧邢魏。歷下游
兵分道歸。瘡痍未復更顛蹶。恐看呻吟日流

朝耕暮戰同死生。撫字無才政多拙。有時登高
望遠山。浮雲萬里何當還。令人却憶魯連子。一
箭成名東海間。

費將軍凱還歌

費侯佐國文且武。禮樂從容在軍旅。漢家卿相
誰得如。雲臺功臣祭征虜。王師轉戰下山東。大
將平燕無限功。復有奇兵專節制。將軍同日度
居庸。居庸城邊草初白。戎兵夜遁龍沙北。長風
吹沙鐵山黑。賢王凋弓控不得。組練如霜未倒

虛仁言漢 日黃庸之
戈狼烽斤候通灤河將軍洗兵河上波馬前雙
吹金唳羅英雄如公信無敵據鞍歸來親草檄
歸來更唱平戎歌燕然山頭堪勒石忽憶去年
駐阿城僕忝徵官曾送迎馬頭北去掃燕土今
日傳聞朝玉京旌麾再入阿亭路橫槊賦詩肯
相顧官橋一道野棠開人道當時列營處東風
二月江南春露布先傳到紫宸丹書鐵券分茅
土願爾功成過古人

醉歌行爲鄭復初雄飛昆仲賦

昨日風雨中我來自西山不知春早暮花落長
林間林間幽人心事閑相逢一笑開雲關間我
別來春幾度五見飛花滿行路黃橙丹荔繞池
栽清水離離照芳樹登高酌我黃金壘傾情寫
意無嫌猜携觴復就花下飲鳥啄餘花鋪綠苔
我惜落花君莫掃乘興卽來坐芳草江山如此
多闕人與君相期恨不早君家伯仲多材雄白
看更是人中龍東山還着謝公屐百世行藏安
得同爾曹曾辭鶴書召予亦蹉跎走荒嶠華髮

盈簪已自慚烏巾折角從人笑悠悠行路心惟
君可知音南冠發楚奏拂拭瑤華琴商聲淒淒
夜沈沈酒酣風悲月出林終然苦調不可聽爲
君更賦還山吟他年訪我桃花洞洞口花殘春
正深

王彥舉聽雨軒

輞川給事才且竒自我相親童冠時高談甚愛
風雨夕世上閒愁都不知幾回共酌東軒裏正
值蕭蕭滿人耳當窗滌筆寫黃庭涼聲散落鷺

池水竹外淋漓芳砌寒簷端飛洒落花殘先生
擲筆向予笑如此官商真可懽况復交游盡文
雅傾倒對之情不舍銀觥夜酌涼蒲萄琵琶嘈
嘈急如瀉先生醉坐銀燭低行雲入簾花氣迷
喑喑屋角聞朝鷄出門只見花成泥當時雄筆
誰更好孫公狂歌君絕倒橫眠三日醉復醒夢
見池塘生春草一別淒涼十二年關河風雨隔
幽軒懷鄉淚逐燈花落隱几晴忘春溜喧君入
蓬萊獻三賦我踐泥塗走中路歸來相見頭總

白坐上逢人半新故西窗舊話誰與傳思君昨日空迴船綠簑青蒨重來訪莫厭連床終夜眠
題招鶴軒

憶昔南游窺洞庭醉騎孤鶴橫蒼冥千年雲夢掌中小一點君山湖上青翱翔更入瀟湘浦湘靈彈瑟鶴爲舞清風雙翅若乘軒令我歸心厭塵土翻然獨下崑崙臺鶴飛却望遼天回武昌樓前招不得惟見白雲天際來朱君萃軒號招鶴金莖可飲芝可啄臨臯羽客再相期爲爾長

鳴返廖廓

分題賦羅浮山贈何景先百戶

吾聞名山洞天神僊之窟宅高高去天不盈尺上披浮雲橫斗牛下瞰滄溟奠鰲極雲闕五城十二樓老僊燒丹居上頭鸞笙縹緲塵世隔羽服逍遙蒼澗幽山中夜浮龍虎氣石室猶藏蕊珠祕瑤草靈苗幾度春玉泉香蕊三千歲還丹九轉報功成手把芙蓉朝太清蓬萊弱水方舟度閩苑崑崙飛蓋迎我昔懷山恣長往桃華古

洞遺幽賞鐵橋千仞意都迷絕頂玄芝日應長
麒麟公子出僊臺絳節遙從天上來車馬光輝
到篷華相看一笑無嫌猜投我素書皆鳥迹浩
蕩煙霞寫胸臆終然歸旆九霄長但見冥鴻矯
雙翼中郎詞藻絕人寰已進宸卿最上班須公
爲寫觀梅興寄與江南驛使還

將進酒贈彭生秉德

華燈照廣席錦瑟彈朱絲一彈再三嘆進酒卿
莫辭丈夫成名垂不朽彭生早試穿楊手彩鳳

朝鳴崗上桐驪駒莫繫門前柳門前柳條冬尚
青城南桂漿翻玉餅航船滿引百分勸出門不
顧蓬中螢君不聞洛陽賈生對宣室長安九衢
皆動色長安九衢橫九天爾如神駒當自力我
昔侍從金門中誓師牧野初成功功成治定四
海同條牧再見承平風爾行央科期第一狐裘
蒙茸髮如漆莫辭更盡金屈卮直上排雲振雙
翮

短歌行與藍山陳彥中

桂水秋風高扁舟過蘋末西來佳公子袖拂滄
川月公子芳年狐白裘抱琴來訪丹山丘雲邊
舉手咲相揖凌雲意氣橫清秋高談雅論傾四
座自言曾到燕山遊雪中射虎隨飛將原上呼
鷹從列侯酒酣馳向城南獵騰身飛鞚輕一瞥
赤手獲得千年狐路人縱觀誇勇捷卿家嚴君
誰得如湘南昔日專城居將門有將今復見見
此滄波明月珠明珠白壁相照耀知音更學絲
桐妙傳得吳儂子夜歌彈爲楚客陽春調爾有

吳越思言之使我迷罷琴惆悵孤月落衰篋老
樹臨雙溪他年同泛山陰雪聽爾琴中烏夜啼

扶溪春望

溪頭望春春色深美人不見勞予心綠波渺渺
向南浦罨畫樓臺芳樹陰天涯滿目丹青障春
日春花兩搖漾翡翠蘭若不可思鴛鴦桂樹長
相望相望相思雲路遙金塘流水亂春潮採菱
風急桂舟晚疑是當年楊子橋橋邊楊柳青青
好惆悵春心被花惱浦口迴船欲訪君相思一

夜藤蕪老

寄道士蕭止菴

昔寓朱明洞，神游碧澗阿。庭臨棲鶴樹，衣拂掛
猿蘿。鳳吹青雲曲，龍琴白雪歌。仍慙勾漏令，塵
夢入槐柯。

又

頗棄人間事，來參內景篇。借騎縑嶺鶴，相訪大
羅仙。稽首傳丹訣，長歌入紫煙。瑤花不着處，同
掃石床眠。

贈陳憲使還嘉興

蘅臯理輕檝，華筵餞遠人。潮生碧海曙，雨歇紅
亭春。適越遂辭祿，還吳思問津。超然不可企，遙
睇東山雲。

楊氏湛碧軒

桂浦含秋氣，蘿軒澹夕陰。鷺窺明鏡徹，雲度彩
屏深。宴坐消塵慮，遐觀恣賞心。羣賢思歷下，吟
嘯屬芳音。

送邵李二巡簡赴京

歷代詩選

月黃齋

卷之三

七

以

驛樹殘朝雨汀潮急暝流旌麾從此別尊酒慰
離憂虎石經銜箭龍門擬共舟蟾溪他夜月思
爾玉京遊

贈田守中之湖廣

王孫芳草綠離思滿西州桂醕秦淮夕蘭橈江
漢秋名藩今所重形勝昔無俦元規賓從美吟
嘯在南樓

詩僧杞上人得旨歸鄱陽葬親二十二韻
白下春容減紅亭麗日升暫邀芸閣彥相送草

堂僧輦轂同文會旃檀異德稱詩名隨處滿華
幄自天承久被宸衷眷仍推講座登離宮頻召
對前席譽材能尚食供蒲饌禪宗問葛藤龍河
朝洗鉢鹿苑夜傳燈般若翻神貝袈裟出御繒
抽毫聯百詠揮麈竟三乘淨西銀河水清涵玉
井水虛空常湛湛行任獨執陟岵懷芝瓏瞻
雲別蔣陵綸音旌孝德珍翰誅先期寸草慈輝
映雙林瑞露疑逍遙無俗慮攀餞有佳朋祖帳
瓊花墮皇京寶樹層江流杯浩渺巖戶錫飛騰

新散煙霞動珠舍水月澄虎溪從惠遠牛渚待
袁宏莫厭塵緣混終知雅頌興澹湖吟賞遍來
就鶴書徵

遊黃陂五十韻

吾郡山川秀黃陂亦有名聞君談勝槩邀我共
遊行路指蒼崖近村臨碧澗縈塵囂辭瀕洞丘
壑願經營繚繞芟塘曲潺湲水碓清深泥綠狹
徑積雨漲前阮披陟衣裳濕扶攜杖屨輕陽雲
迷緩隼歆石履崢嶸俗訝精靈異誰知唱和情

林僧來問訊野老亦逢迎注椀金芽茗克庖玉
笋羹敲推籬犬吠餽餉草鷄烹少憇沾微醉前
趨若有程土門斜束隘坡岸敞連坪石馬眠荒
壠昭陵失廢塋騰蛟雙踴躍蹲豹互爭寧迢迢
峰巒起穹窿窟竇鳴嶺麋趨險峻潭鮪漾澄泓
漚漚泉分絮欣欣草並榮奔流寒漱玉磐石迴
疑城避地傷前事窮途蹙遠征蟻柯塵業誤魚
木禍羅嬰歲月重登覽煙霞幾變更陳雷今合
契黃綺舊同聲招隱依松桂尋芳拾社蘅逍遙

吟伐木談笑坐班荆。鳳澗葳蕤合螺峰宛轉明。
田家深處樂王政。此時平糶杳歡樵採喧闐羨。
偶耕豐年饒芋栗膏壤足。餘杭鼓腹雍熙叟。居
巢太古眠幽懷真可豁。佳境實難并白鶴鳴相
狎。青猿戲不驚。靜中無俗念。方外有賢英。蕙結
靈均珮。松號子晉笙。仰窺懸瀑淨。側度小橋橫。
茅舍藤穿牖。柴窗竹覆楹。花簷蜂陣陣。桐巷鳥
嚶嚶。席帽看雲坐。匏尊倚樹傾。涼颺驅溽暑。斜
照弄新晴。枕石延詩思。臨流破宿醒。踈慵聊翰

墨沈涵愧銚罌着。屐隨康樂回車泣。步兵祇應
除世執。端可脫塵纓。趨走煩童御。徜徉托弟兄。
橋中期四友。林下憶三生。絕德飄瀕棄。忘形席
任爭。玄言超混沌。遐舉問蓬瀛。瑤草行堪掇。丹
砂煉欲成。他年求道侶。卽此締幽盟。

贊相國李公善長

吾君神武定中朝。丞相勲名冠百僚。漢室興王
推鄧禹。唐宗開國任房喬。江淮草木知名舊。吳
越山川闢地遙。好向龍樓扶赤日。便觀麟閣近

璇霄

呈張昶叅政

絲綸閣下五雲飄。政事堂中八座超。班馬文章傳舊學。夔龍勲業慶新朝。宮花露重金莖賜。衢柳風清玉珮搖。江海微生叨近侍。也隨丹鳳舞簫韶。

呈汪朝宗叅議

龍飛江表仗能臣。虎變淮陽有俊人。帟幄春風。鳳夜藩垣南寄息。風塵聞鷄屢促鳴珂入。倚

馬仍看草檄頻。越客狂名叨薦啓。無因東閣拜平津。

北捷應制

王師幾日定秦郵。詔發奇兵出壽州。橫海樓船通楚甸。羽林旌節渡淮流。胡笳慘動關山月。戎帳威傳草木秋。聞道鷹揚能奮迅。思歸燕將莫夷猶。

送董文啓之江夏宰

委珮晨看拜玉除。西游真食武昌魚。王孫碧草

秋無際。仙掌金莖露下初。今日才名須卓茂。當年詞賦說相如。登臨若對南樓月。待爾賓鴻寄尺書。

贈王深之官永康

賞心亭下玉壺傾。客裏難堪送客情。沙際綠蕪朝雨淨。天涯江樹晚雲平。扁舟剡水因乘興。高策河汾舊有名。勿謂微官淹驥足。金華涼月對秋清。

正月初四日南郊禮成

午夜祥雲繞太微。聖明開運六龍飛。簫韶享帝聲容麗。玉帛來王曆數歸。寶幄天光臨負展。金輿春色映垂衣。儒臣幸覩唐虞際。三祝堯年仰曙輝。

謁黃石公廟

榆徑深深一草堂。松階寂寂半斜陽。青山遠近分齊魯。黃石英靈閱漢唐。碑斷螭龍荆棘暗。壇空鸞鶴檜槐蒼。鄉人更說傳書意。故國風雲人渺茫。

舟泊龍灣寄孫仲衍

吳檣楚柂十年間，又度秦淮虎豹關。
眼底故人成寂寞，夢中塵業負高閑。
九州風雨東南會，七澤波濤日夜還。
江上思君雲路杳，掀篷秋對蔣陵山。

贈洗口于巡簡

東郡于公最有名，為儒曾事魯諸生。
鶴書三聘雲間下，龍劍雙飛海上行。
明月畫船依桂浦，碧山紅樹繞花營。
齊中舊客今誰在，青眼相逢萬

里情

喜故人孫仲衍歸

十年東去入皇都，詞賦爭誇楚大夫。
踈散已辭金馬籍，徜徉須覓步兵厨。
花開上苑啼鸚鵡，草綠南園泣鷓鴣。
惟愛碧山吟卷在，夜隨明月照蓬壺。

贈戴雲

十年慣聽京華雪，忽憶聞鷄夢覺時。
萬戶曉鐘金氣急，九重仙仗珮聲遲。
湟州桂樹誰招隱，庾

嶺梅花有所思。一曲陽春知寡和。郎官清勝浩然詩。

青宮哀詞

懿文皇太子也

前星光墮太微間。雲闕龍歸不可攀。慘結玄雲迷海嶽。淚揮寒雨遍戎蠻。清都鶴駕翔翔遠。緜嶺鸞笙縹緲還。遙想皇情哀慟處。萬年松柏紫金山。

次韻仲衍巫峽秋懷

白帝孤城蜀漢間。錦江秋色隔巴山。霜清灩澦情岐路。總相關。扁舟莫繫楓林下。卧聽寒猿一夜還。

從軍行贈費指揮

英雄海左費將軍。淮海吳門舊策勳。又領貔貅三百萬。誓清沙漠報明君。

又

聞說沙場漸倒戈。受降城北是灤河。胡姬窈窕隨征馬。虜酒蒲萄載駱駝。

秋夜雜興

金風瑟瑟吹明河，鎖窗時見流螢過。誰家玉笛生離怨，知是吳儂子夜歌。

又

秦淮橋下江水清，鳳凰臺前霜月明。莫愁艇子繫何處，楊柳蕭蕭無限情。

折楊柳枝詞戲贈朱文昭

綠陰馳道繞隋宮，拂雨撩煙送晚風。萬樹千條爭折盡，不堪回首畫橋東。

遊洪範池與劉文正

洞門斜日照金潭，千尺藤蘿掛石龕。騎馬獨來高處望，滿山松栢似江南。

小塘山居

壁月斜窗夜氣清，禪棲無夢客燈明。山中萬籟俱岑寂，惟有松風答磬聲。

王孫挾彈圖

不遊原上競繁華，騎出天南白鼻騮。宮錦不愁清露濕，五陵松栢絢朝霞。

又

馳道香莎剪翠茵金鞭閑颺落花塵溫泉樹晚
歌鐘起人識開元富貴春

寄復初景翔諸友

寒泉疎竹映清秋曾記仙人太乙舟今日逢君
同感慨不堪清淚洒西州

又

荔枝原頭春水深多情得似玉郎心琵琶撥盡
不聞曲石竹花殘風滿林

題野塘景

花落春塘急暝流湖光山色未銷憂雙雙白鳥
忽飛去撩亂文鴛不自由

石倉十二代詩選

明詩卷之二十三

乃不計...

密復... 文驚不自由

外... 雙雙白鳥

雙雙白鳥

易菴先生傳

李德字仲脩番禺人博覽羣籍尤邃于經學明

毛詩尚書洪武庚戌以明尚書薦至京師

上親策問賜徐大全等出身有差德預焉授洛

陽長史繼遷濟南西安二郡幕非其好也政暇

編覽帝王遺墟嘗著論西安南陽皆天下大形

勝所在建不拔之基當擇而都之江東非其匹

也士林韙其識歷郡十餘年年薄暮矣自陳不

能吏乃就湖廣漢陽教諭當兵革初靜巽舍翳

歷代詩選

傳 明李仲脩

楚

蓬菴中生徒僅十數輩皆野曠不可語德盡心
訓迪之言諸有司羅致民間子弟之俊穎者館
穀焉自是絃誦誦誦人知向學矣秩滿改任廣
西義寧縣其俗尤陋德立法凡遇家有吉凶事
當告假者隨貧富以楮幣周之孜孜勸諭使約
束鄉黨不得爲惡習俗日美科貢漸盛當道方
薦達之而德以倦游南歸卒于家德爲詩多効
長吉太白孫黃笑之曰子真混元皇帝遠孫也
志乃力追古作有易菴集行于時序者以爲跨

晉唐而躒宋元云少嘗自號采真子著論如子
書晚更潛心伊洛故世稱有理學者必曰李長
史子孚字底信亦能詩見廣州人物傳

易菴先生傳

終

歷代詩選

傳明李仲脩

二

唐詩選

史子平字夙訃亦滄精貝貴州人賦軒
書觀更鬱心母希劫世蘇亦野學皆必日本身
晉書而樂宋云云也嘗自號宋真子著備暇子

石倉十二代詩選

明詩卷之二十四

易菴集

大明

番禺李德著

後學曹學佺閱

神釋

大哉渾淪妙橐籥自無窮網緼一已構昇付出
至公靈臺本無物而我處其中清虛為我體昭
明為我庸倏去入無間忽來歸寂空既作百骸
長蔚為萬世宗母從眾形稷順適與天通

紫芝山房為湖廣鄭大參賦

歷代詩選

月亭中齋

卷二十四

一

憲

歷代詩選 明本 卷之二
芝山何崑崙燁燁產靈秀美人慕園綺闢地敞
雲構圖書資悅懌枯壑含昏晝佳氣藹川原和
風散岩岫松蘿被廣蔭泉澗環清漱抱冲昔若
遺理劇今豈後鍾英良有自瑞世非常觀明良
共一時千載此其候

題陶淵明像

淵明節槩士遠慕羲皇風榮名奚足道甘分固
其窮得酒卽爲歡簞瓢常屢空朝出山澤遊暮
歸衡宇中豪華非所貴但願歲時豐秋菊或盈
園栖栖誰與同濁醪共斟酌日入會田翁此士
不再得吾生焉所從

栖雲菴

石室凝煙空洞懸石乳陰崖含風泉終日灑
飛雨臨流結精舍六月不知暑道人養清虛適
與高僧處垢淨俱已忘孰爲舍與取諸君旣遠
離白雲日相與何當謝時人來作塵外侶

孟夏五日感興

春陽舍我去四序無時停鬱鬱當軒柳珍禽時

歷代詩選 明末 卷一
一鳴素琴寓我適濁酒陶我情顏髯雖云改寸
心有所憑偃仰東窗下聊以寄吾生

種麻

種麻浦東園種花亦盈畝麻生但芄芄華發映
戶牖榮榮能幾時零落他人手豈如爲締絡與
君同永久向來灼灼姿于今復何有

歲月徂遷未有歸止寓迹江漢懷抱索然
時維杪秋淒其締絡偶有所述用簡曰

志

秋氣方肅寒風動涼戶羈人未授衣適體空
捐故雲開漢臯路日送征鴻度山容欲受寒園
芳已溥露故交久零落新知偶愜素時資益簪
盍聊以慰遲暮

同詩社諸公遊白雲寺分韻得千字

桐蘿扣禪關長嘯青雲巔山開西北日水豁東
南天涼葉散虛席暝林啼清猿浮雲觸石起頃
刻徧大千悟言造真適談空忘至言何當登絕
頂俯視蒼蒼煙

留題郎步山庄

出門望南山，山翳林木稠。飛鳥欣有託，吾生念
歸休。行行度前坂，褰裳涉荒溝。好風吹我懷，禾
黍亦盈疇。人生衣食爾，過此欲何求。日夕返窮
廬，聊以忘吾憂。

天上謠

玉樓瓊宇曉玲瓏，雲輶電轂輾迴風。自從羿射
九日落，帝遣羲和御六龍。六龍奔屬成今古，海
水生塵變桑土。瀛洲花發幾番春，誤殺秦皇并

漢武。桂宮珠露滴秋香，仙仗徘徊朝紫皇。鳳吹
紛紛九成奏，羽衣金節韻琳琅。金河流水連雲
注，織女牛郎在何處。淋漓元氣浩茫茫，白鶴千
羣駕煙霧。女媧鍊石良可嗤，此事荒唐奚足疑。
直憐世上人心改，至理渾淪那得移。

雜詩

人生更代謝，闔闢為之機。盛衰無常理，生死乃
其宜。始來本自無，終往奚足悲。擾擾依形立，百
歲以為期。匱勉返吾初，俟命復奚疑。

送友回真定

君自邯鄲來復向邯鄲去邯鄲月色好夜照江
南樹太行多峻阪中有羊腸路往來不憚煩知
君爲親故

暇日遊城西玄妙觀

還辭束帶累偶涉尋真路松吹度鈎天篆煙生
細霧翩翩塵外侶杳杳雲中步儒道雖異途同
歸在清素

仙人

瀛洲飛彩雲萬樹桃花春翩翩騎鳳侶恐是避
秦人側窺渾淪妙幽探元化真徒令多欲者千
古恨迷津

贈虛明道人

渾沌本無象表裏同一照古今若須臾羣真資
衆妙五陰絕織翳幽陽播靈耀王喬并羨門吾
與爾同調

宿栖雲菴

衆壑忽已曠遠近響清湍山中對僧定疎雨掩

柴關柳暗猿狖集。松交風露寒。攬衣中夜起。蘿
月在岩端。

閒居

北窗林影寂。南湖水氣涼。園荷始泛綠。叢蘭漸
吐芳。撫節迹猶滯。神閒機已忘。無論喧與寂。緬
心卽羲皇。

憶南園

南園蝴蝶飛。綠草迷行迹。青鏡掃長蛾。娟娟弄
春碧。錦屏千里夢。寂寞愁芳色。小字寫長箋。鱗

江坐相隔

亭亭水上蕖

亭亭水上蕖。皎皎沼中藕。花落子亦成。色衰心
不朽。中藏千萬渚。處汗恒自守。不學楊白花。隨
風入窗牖。

柳塘書舍圖

遠山出白雲。近水明秋色。爐波漫浩浩。日暮歸
舟急。隱約叢薄間。茆茨倚蒼石。中有柳塘翁。看
看似相識。

歷代詩選 卷二十四

觀白鷺

河洲雙白鷺皎皎照清流所希在鮮食所願亦
易酬朝飛浦湫曠暮宿林塘幽寄言採薇客吾
與爾同遊

立秋日登漢陽朝宗樓懷鄉中諸友

湖山興不淺而我亦淹留得罪緣微祿懷君屬
早秋淡雲鄉樹遠孤月旅情幽借問衡陽雁何
時到廣州

濟南寄孫仲衍

雨圓正夜月風景罷登臨輦洛成塵迹青齊入
苦吟升沈凋壯節在濟負初心薄宦容身得寧
辭雪滿簪

金陵逢趙汪中

十年長契濶萬里各分飛岐路風煙杳江湖消
息稀加餐俱努力訪舊各沾衣春草無勞綠王
孫自不歸

峽山寺

峽雲藏絕壁峽水積寒流寶樹籠香閣天花散

歷代詩選

月李中倫

卷二十四

七

彩樓梵音晴隱隱鐘韻晚悠悠聞道金仙宅飛
來最上頭

寄孫典籍仲衍

南園草色參差綠忽憶佳人美如玉玉堂揮翰
事已陳草屋懸燈照幽獨江湖狂客未言歸翹
首東南淚濕衣何時淨拂青溪石與爾橫竿釣
落暉

河陽月簡顏光宏

胡角啾啾悲石裂顏郎夜醉河陽月越姬颯沓

秋風蘆笋含商玉情熱請看天上青雲道桂
花落盡霜娥老離鸞怨鳳玉樓寒三尺青絲變

秋草

燕歌行

秀頸紅唇臉花碧秋波湛湛傾人色高樓霧暖
四時春蝴蝶飛來歸不得裾迴縠轉春風催刻
商按徵雲徘徊鳴鐘歊鼓玉丘頽詎識樂極生
悲哀

青樓曲

歷代詩選

明季中脩

卷二十四

八

青樓春酣鸚鵡杯孔雀屏風錦繡開銀鸞玉鳳
嬌未歇楊柳斜飛舞迴雪越娘含醉弄絲桐十
纖宛恨哀絃中調成白雪惱芳容長卿茂陵髯
如蓬

房中思

金井烏啼風撼撼桂樹團團江月白洞房秋思
滿嬌娥淚滴珊瑚眠不得玉臺塵鑑少光輝仿
彿孤鸞彩翼垂蓮枯蕙折無人惜露濕綺疏生
網絲

春興六首

萬里春風二月花十年塵土一烏紗惟將素節
酬知己豈有黃金買歲華愁邊熟食無煙火江
上堅城有鼓笳憶我舊遊如昨日繡簾青舫越
天涯

終南山色翠含煙太白峰高五尺天春暖鶯花
連萬室月明笙鶴會羣仙黃塵白髮三千里流
水浮雲十二年齊楚飄零成潦倒令人猶自憶
秦川

洛陽城裏雪初消。流水天津尚有橋。漢寢隋陵春寂寞。龍門伊闕晚岩堯。相如完璧無遺恨。王子吹笙擬見招。爲報山人休索價。可能容我伴漁樵。

日射天門萬象新。繡衣朱履侍楓宸。雲移仙仗千官肅。日映龍顏四海春。金椀玉漿來內侍。紫泥丹詔下王人。十年趨走金陵道。到老低垂漢水濱。

漢水東流日向西。孤村煙樹鷓鴣啼。纖纖岸草迎人眼。踏踏江花映馬蹄。有客問奇仍載酒。故人相過輒留題。暮年正爾逢知己。布襪青鞋信杖藜。

江漢飄零今六載。故園迢遞尚三千。新春隱几看雲坐。遙夜懸燈聽雨眠。彭澤官貧差有酒。杜陵身老未歸田。桃花流水深千尺。擬向溪頭理釣船。

社後謾興

社燕西飛節物過。年華世事兩蹉跎。晴天白鳥

來無數落日浮雲看漸多黃菊何人歸短棹紅
蕖秋水澹澄波寂寥多恨憑誰遣搖落無心奈
爾何

寄妻弟鄭子玉

年年留滯漢江頭華髮蕭蕭不奈秋夢斷鄉關
猶是客望窮煙水更登樓西風鴻雁來芳信南
紀親朋憶舊遊聞道菊松無恙在可能歸去覓
菟裘

王彥舉南雄省親

神工剪水寒凝指南浦頽雲吹不起玉郎氣酣
走馬去三尺龍泉拂流水玉壺愁破酒如兵鴛
管嗚嗚咽不鳴幽紅啼露香凝幕蜀錦縫衣寄
君着象牀醉卧紫氍毹鳳簡封題草字書北樹
南雲一千里願携徑尺託雙魚

秋情

蠟炬搖紅紗隙凍沈香帳底鴛鴦夢芙蓉波冷
薄霜凝一夜離鸞憶單鳳梧桐金井啼曙鴉夢
郎封侯歸妾家開門自掃枇杷花

十二月樂章

正月

東方日出香茸茸。長條短條花眼紅。柔雲弱雨
暗填空。茫茫蝴蝶破春風。鸞帕抹煙山夢濃。蕭
颯愁思開暝容。江頭溘溘水聲動。微和着柳黃
金重。

二月

燕梁玄玉濕。蜂蜜花房曉。銅龍嚙水微。翡翠含
波小。石間苔蝕菖蒲根。古魂啾啾啼曉昏。紅芳

碧蘂亂殷殷。蠻女剪煙插翠雲。游絲縈春懸錦
綺。渚間沙白鴛鴦喜。

三月

花歛容。柳刷翠。扇薄欲裁。統佩香思剪蕙。桐英
寂寂沈寒波。紛綠猗猗日影多。六街煙花淨如
掃。千年古血生青草。

四月

碧雲屯。午風熏熏。五絲曲奏。玄霜紋。湘臯野龍
拔新玉。摧鱗徙角。蕭蕭綠蕙。香小妓扇輕羅。半

掩櫻唇試新穀金丸落落絃紅脂石池青鈿溢
碧漪

五月

沙上短蒲綠赤菱紫芡離披熟越奴青髮艾懸
香踏踏采蓮塘上曲游龍撇波海水飛黃頭伐
鼓吹參差少年搖曳澹忘歸

六月

皇天高厚地裂白日河庭泣魚鼈湘神抱瑟愁
波濤頽陽畢化穉陰結焉知海上黃金闕萬丈

五橋到寥泬喬松相携弄白雪

七月

桐風刮帳無春溫赤精解綬佩金神銀浦橋成
鵲濟津遙遙帝子度長雲野芳萋萋日杲杲十
萬娥眉鏡中老錦樓折竹夜迎仙越秀吳都巧
不眠

八月

玉露溥清虛銀雲擁明月空濛白夜涼遠近商
聲發桂子落秋香寒娥能孤潔誰家理素琴調

急絃應絕

九月

清飈激素商。遠客生歸夢。茱萸委匣香。玉腕勝
金重。幽芳垂晚逕。汲綆霜華凍。洞庭木葉空。臨
水悲相送。

十月

沈寒凝海霜。斑斑蘆鴻叫。叫蒼梧間。仙鷄警曉
蟠桃乾。天鼓無聲澤龍閒。

十一月

軒轅玉管還初氣。綵線紆廻報長至。瑤花散落
滿寥天。萬戶千門夜明媚。南山幽翠淨如削。內
屋紅爐春自若。璿璣廻幹見天心。姬氏騎龍班
歲朔。

十二月

北斗璇光射幽土。四氣緣環若朝暮。壑底驚蛇
挽不留。官街力獸馱寒去。

閏月

羸皇當極黃楊死。一寸霜皮生不起。嶧陽老榦

歷代詩選 明李仲修 卷之四 十四

青銅根玉葉排秋十三子鬱華羿妣緩兩轡遲
回二萬八千二春秋九十短長勻青紅白黑上
下均千秋萬歲奉明君

出城

越王宮春風起何處散芳塵垂楊沙逕裏舞羅
衣揮鳳尾鳴鸞簫發貝懷洞庭悲帝子海波
竭彭鏗死羲和影如

梅花曲

軒后登天時騎龍乘紫雲三千宮貌附龍鱗

瑤月佩荷絲裊夜入羅浮醉仙子酒樓明月神
貝水夢闌霜冷蛾眉死

送友人

關雲擲擲吹沙黃瑤華拂劍春風香鴛黃淺泛
玻瓈光越妓舞衫金縷長江津白白黃灣月神
魚撇波龜甲裂湘娥疑綠染春衣踏踏青雲郎
馬歸

對鸚鵡洲

芳洲采杜蘅日夕春水生不特嗟鸚鵡深令憶

歷代詩選 明李仲修 卷之四 十五 左

歷代詩選
彌衡因悲才勝者祇使寸心驚

塘上行

露濕藕花香。花折藕絲長。豈無鳧與雁。不似錦鴛鴦。

題扇

涼風吹動影蛾池。百頃秋波漾素輝。十二玉欄閒倚徧。桂花清露濕人衣。

石倉十二代詩選

明詩卷之二十四

蚓竅集序略

楚有舊學曰雲間管公時敏輔翼匡贊披陳啓沃凡二十五年而賢王仁厚明啓寅畏恭儉之德聞于天下公自紀善左長史余得備員陪位得聆其緒言餘論間出示所自作詩一編古製近體通若干首名曰蚓竅志謙也然公之立身行事實踐其言和順積中英華發外自有不容已者其可傳于後世必矣豈自謙乎哉永樂元年癸未三月之望山陰胡粹中序

月言

石倉十二代詩選

明詩卷之二十五

蚓竅集

大明

雲間管 訥著
後學曹學佺閱

素堂

湘水之涘衡山之陽有美一人於焉構堂維榱
維桷匪雕匪斲不尚其華煖澳其朴堂之翼翼
人之諄諄匪謀自適爰以養親于時典止于時
甘旨朝夕弗違惟親之喜委順在天窮達是宐
居易而行心毋外馳奢則蠱情儉以養德用或

歷代詩選

明詩卷之二十五

一

二

後昆服之無斃

白馬篇

白馬行且嘶。玉勒錦障泥。揚鞭羽林郎。宿衛通金閨。一朝赴邊急。轉戰玉關西。長戈揮白日。高旌卷彩霓。驅山填火井。累石起雲梯。烽舉星芒亂。弓開月影低。分符降赤勒。飛箭定吽黎。功許韓彭竝。名與衛霍齊。王恩諒可報。國難詎難擠。孰甘局鄉邑。門巷閉蒿藜。

遠遊篇

御風日萬里。逍遙登遠遊。竦身青冥表。瞬息四顧周。目力隘八極。壯志局九州。泰山小封垤。滄海渺浮漚。俯視瀕洞間。萬彙等蜉蝣。浩歌挾洪呀。長嘯訪浮丘。迴飈款閭闔。謁帝十二樓。酌我紫霞觴。遺我青鳳裘。授以長生訣。歷劫三千秋。從茲謝流俗。大塊同悠悠。

少小從行伍二首

少小從行伍。而今作飲徒。博錢尋劇孟。買劍問風胡。結伴軍中戲。嗔人醉後扶。黃金三萬鎰。誓

娶陸家姑

少小從行伍，千金辦武裝。
日騎官廐馬，夜宿酒家娼。
知己寧論死，臨危肯畏強。
蠻夷知姓字，不敢犯封疆。

銅爵妓

銅爵高臺上，西陵古墓邊。
君恩徒自重，妾貌竟誰憐。
羞掩歌時扇，愁登舞後筵。
惟餘漳浦月，三五夜空圓。

二隱圖

溪上放舟迴，山中負薪暇。
一笑偶相逢，於焉遂清話。
寧知有秦晉，況復論王霸。
回首總忘機，青山夕陽下。

星夕

牛渚清且淺，鵲橋西復東。
黃姑仙駕動，天女錦機空。
別淚零清露，離魂慘驚風。
如何一水隔，一會一匆匆。

秋夜

不寐耿長夜，攬衣徒歔歔。
陰蟲吟近砌，涼颿動

歷代詩選 明會通 卷之五
疎幃素抱殊未釋清權念多違豈惟南飛鵲茲
夕無所依

寫懷

朝迴憇公館殘陽坐來暝疎雨過高林華月出
東嶺流光晨復晡朱顏豈吾永故國歸何時悠
然發深省

病後喜雨謝同寅紀善貝季翔見過

夜月忽離畢今晨雨滂沱秋聲落庭樹水氣沒
池荷豈云三伏中感此涼意多神清體自適頓

然釋煩疴明當謁公館仰謝數經過

曉起

真館曉晴初官清遠塵俗怡然對簡編庶矣忘
榮辱遙峰擁歸雲高城澹微旭落盡凍青花江
南雨新足

遊寶林寺

金碧絢樓臺禪關向此開水分雙澗出雲擁萬
峰來古佛遺香火殘僧話劫灰黃塵吾老矣何
幸一徘徊

獨坐

獨坐茅堂上長吟不下牀
亂書堆几席踈雨過
陂塘野燕衝簾入
河花度水香應須存晚計
次第學耕桑

答友人雨中見寄

雨聲連曉夕牢落閉幽扉
屋漏頻移榻江寒更
覓衣野鳥飢自下水鳥濕還飛
爾亦遺榮者終同埋釣機

郊居

春城俯平野草色靜柴門
魚蟹舟中市桑麻屋
後村遣兒招社飲爲客置盤飧
老計能如此陶然付一尊

贈洪山龍門海禪師侍者真淨

祝髮名真淨從今淨已真
誦經當作佛持律定
過人江月空中夜山花物外春
龍門多寶藏種種是奇珍

送宗師還玉泉寺

省師何處去古寺玉泉清
山笠披雲過江船趁

歷代詩選 明倫彙編 家範典 學行典 士行典 五十五
月行拈香叅祖塔乞食到王城此去傳心印應
知道可成

夢遊洪山寺

不到東巖閣重來又一季無緣能離俗有夢只
棲禪客坐茶香裏僧行竹影邊夕陽天未晚幽
思滿歸鞦

齋居直館

直館齋居夜心無一慮縈茶煙籠燭暗花月進
窗明老去頭雖白官閒夢亦清明朝當署者祝早

起候宮城

雪谷爲武昌奚瑄賦

空谷幽人意閒雲靜者心石圍花下奕泉答竹
閒琴鶴影蒼巖遠雞聲碧樹深雖云在城市何
異在山林

題蔡用強石城山房

絕境羣峰合幽居一徑分巖花和雨落林鳥隔
雲聞門熟呼猿果書香碎蠹芸不因徵召起終
是遠人羣

歷代詩選 卷之二十五 七
過烏沙夾答諸僚友

曉過烏沙夾。秋風萬斛舟。青天雲際雁。白浪水中鷗。兄弟皆良會。江山足勝遊。行行紅日近。佳氣藹皇州。

出都門

天上還家日。沙邊解纜時。亂山含宿翠。飛鳥戲晴絲。野眺偏宜遠。江行不厭遲。正期遊汗漫。何幸值雍熙。

發新河次韻

自忝王門祿。頻季此地過。秋風迴遠道。暮雨宿新河。白浪鷗邊小。青山雁外多。客杯相慰藉。一酌總恩波。

迴從經陽邏

陽邏行將近。淘金過淺灘。草痕秋更碧。江氣晚逾寒。處世情尤拙。還家跡易安。客愁雖似海。未敵酒杯寬。

舟中寫示蕭雷二伴讀

拜秩辭京國。揚帆放使舟。微茫煙外樹。浩蕩雨

歷代詩選
望楚天秋
中鷗詩美青山對杯空采石謀應將柁樓興一

曉發雷港

月暗投寒港天明發曉途鷺應尋宿侶雁已誤
更奴霞暎泔汀蓼霜枯倚岬蘆彭郎磯尚遠隱
隱一山孤

題伴讀董時貢所藏山水

公館多清暇林泉愜所探人家如谷口風景似
江南斷逕荒深蘚崩崖老巨楠鯨波通海去

道與雲叅江艇維晨渚巖扉掩暮嵐雨田收赤
黍霜圃摘黃柑未染清霜屋先尋白石庵醉來
休荷鍾老去願投簪許我閒身在從渠俗慮耽
偶然忘世累聊復謝林慚

和吳教授過潯陽

三句辭幕府千里歷星霜水鶴和鳴鴈風鳥逐
去檣還家趨鄂渚歸路過潯陽山立雙峰峭江
分九派長雲泉高噴薄煙樹遠微茫箬葉寒仍
綠蓀花晚自芳守臣甘徇國遷客重離鄉簡冊

遺風節琵琶斷淚行濕嵐郵傳外冷月戍樓傍
老境頻過此懷賢易感傷

九日廿五日值余初度諸友以詩酒見壽
於舟中賦五言長律一首以謝云

老去逢初度那知在客邊清歡當此日嘉會勝
常季古鼎名香爇高臺絳燭然仙庖能具饌官
筋盛張筵新果登盤美佳殽八飭鮮慶行承綵
帕壽祝荷華篇北斗長生外南山爛醉前交情
何鄭重禮貌極周旋一府官僚盛千秋國主賢

願同金石志永以保貞堅

永嘉裴季和家有竹居典簿中都國學種

竹數竿想像故國之意

客舍仍藏竹殷勤憶故園亂枝交窄逕輕篠拂
卑垣曙色煙凝几秋聲月在門殺青編汗簡浮
碧注山尊斲筍供春祀行庖具夕飧高人頻駐
展俗士竟迴轅雖與山林遠終無市井喧晉賢
名未泯唐逸典猶存彷彿龜山路依稀雁蕩村
南歸途幽息投老更何論

墨窗爲越人趙樞謙賦

女媧立極斷鼇足。羲畫之先無刻木。始觀鳥跡
製文字。夜鬼哭。天天雨粟。篆隸變化生八分行。
草復作何紛紛。六書古制既茫昧。載籍況遭秦
火焚。後之作者不可數。形聲寥寥渺千古。更論
得法神妙間。自信臨池心獨苦。君居於越。文獻
邦家藏金石。書滿窗。磨穿青州老未已。萬斛巨
鼎疇能扛。吳興宗人已物故。泚河東西誰獨步。
君今有志繼絕學。砥柱中流見孤注。剡溪百番

冰雪光。玄霞一斗松。煤香滿堂賓客看。揮灑風
雨颯颯龍鸞翔。我嗟塗鴉手如棘。屢欲從君問
奇畫。君還許我載酒來。我捧千鍾勞君筆。

尹母行

雲間尹母季十七。嫁夫三季夫病卒。舅姑在堂
兒在祿。自分烝烝守空室。家貧何以爲生理。紉
縫得錢奉甘旨。門外春風自往來。寒心一寸如
灰死。

題胡長史雪舟卷

萬里漫漫凍雲黑。六花飄飄朔風急。富春江頭
行旅稀。汀鳥沙禽飢不飛。此時先生乘一舸。擁
鼻長吟篷底坐。白鶴氅衣寒半披。東西沿洄隨
所之。須臾雪深風轉大。結纜歸來且高臥。妻兒
凍餓甘守貧。升斗不思干故人。東方日出徵書
下。縣官扣門來勸駕。

哀雁吟

隣有貞婦痛夫以刑死。日夜號泣誓不再
天。余嘉其志爲賦哀雁吟。

哀雁復哀雁。雄雌不相違。三春北去秋南歸。季
季稻梁克汝肥。汝肥曷已時。安知矰繳不汝隨。
一朝弋雄孤其雌。雌孤殊可傷。夜夜啼秋霜。楚
天空濶雲水長。誓不更逐羣侶翔。花開滿春塘。
不愧鴛與鴦。

姚氏野春堂

野外茅堂不掩扉。堂前風日散晴霏。梨花門巷
清明近。春水池塘燕子飛。每約鄰翁同社飲。更
從田畯勸農歸。明朝我亦尋春去。小試東風白

亭衣

宴徐氏樓

高宴徐家池上樓。座中賓客總風流。東城美酒
休辭醉。南國佳人自解愁。晴日遊絲當戶落。暖
風香篆近簾浮。歸時不用山公馬。短棹春波正
滿洲。

和內兄金士簾清明日答張應辰見過

雨晴江路少塵沙。有客尋春到水涯。風細游絲
低著草。日斜歸鳥亂穿花。青山幾處無新塚。

木何人是故家。倩得盤遊春髻子。東風日日好
將車。

山水便面

宣和便面何從得。畫史當時屬有才。紫翠峰巒
天上落。青紅樓閣樹頭開。羣賢似向蘭亭會。一
老疑從栗里來。安得從容隨杖屨。輕舟日繫水
雲隈。

寄淞上友人

憶昔都門把臂時。殷勤索我送行詩。客邊賴爾

歷代詩選 卷之三
能相慰別後令人有所思芳草暮雲愁忽忽落花春雨鬢絲絲東歸艇子如堪買定擬尋君泗水潛

送兄勉翁自鳳陽廻淞

把酒燈前醉復傾別離無限異鄉情一身千里久爲客百歲幾時長見兄春雨園廬青草遍暮雲丘隴紫芝生白頭遂我東轅日數畝圭田得耦耕

過洞庭

湖上東風水似天渚花紅白共春妍蒼梧二女墳前路青草三閭廟湘水機聲札札龍宮珠珮影娟娟官閒更遠興借榻君山寺裏眠

題玉秉正雲林清隱

青林白谷水雲鄉隱者深居一草堂百道松泉當戶落四時花雨入簾香門前車馬紅塵遠座上琴書白日長滿日故家風景在不須重畫輞川莊

送長史司吏吳永中役滿還廣東

早春公館柳條黃清暇題詩送椽郎白髮簿書
官事了青山風雨客程忙船從杜若芳洲發酒
向桃榔小店嘗歸及墓田寒食後碧雲東望思
茫茫

送寶曇應禪師遊峩峩岩廻金陵

峨嵋峰頂絕峻嶒不離塵凡不易登太古雪消
丹壑裏普光天在白雲層神鐘日報齋頭飯聖
火宵明佛殿燈六載下山非苦行怕人云是再

來僧

和鶴季丁先生宿東巖韻兼呈洪山海禪

師

借榻東巖第幾層山中王舍佛圖澄浮榮過眼
寧非夢清苦前身本是僧齋罷雲扃時聽講詩
成雪屋夜懸燈虎溪有約仍三笑自愧為官老
未能

題修江王玠西山舊隱圖

君家舊隱知何處遙隔修江紫翠峯金碧畫圖

聊慰藉煙霞丘壑此登臨
水花凝露魚依渚山
葉鳴風犬吠林布襪青鞋歸及早
莫教猿鶴怨
秋深

雙竹

玉立亭亭竝出林不於千畝競繁陰
雲霄每引鳳凰下風雨或作蛟龍吟
夷齊同隱高節在皇英對泣遺恨深
何當分箇漁竿去獨釣渭川煙
水濤

紙被

蒿杵霜藤練色勻卷舒盈幅淨無塵
梨花夜暖雲迷夢柳絮春寒雪滿身
未惟青綾能見妬也勝白氎尚欺貧
五更聽徹金門漏得似山林晏
起人

木芙蓉

渚宮仙子耐清寒笑倚西風臉渥丹
絳節三朝瓊作珮霓裳一曲翠爲盤
夜霜漁屋燈前見秋水人家畫裏看
可惜繁華易惆悵錦官城上夕陽殘

月中桂

上界誰將此樹栽，廣寒高處古香來。
根從天地分時種，花在山河影裏開。
白兔守株依貝闕，青鸞銜子下瑤臺。
不知斫盡吳剛斧，天上浮雲變幾迴。

燈花

不假天工雨露栽，銀釭火暖自然開。
兩莖朱草含煙秀，一朵紅雲度水來。
春色半浮珠蓓蕾，風情中結錦胚胎。
明朝喜事殷敷報，莫遣芳心一

寸灰

齋聽雨為西安楊公主賦

草堂千箇種長松，好雨時來紫閣峰。
聲到風枝驚睡鶴，勢迴雲壑起潛龍。
暮樵鄰父歸應濕，晨汲家僮出更慵。
且喜官閒清雨耳，逢人莫說大夫封。

黃鶴樓

黃鶴西飛去不迴，青山高棟自崔嵬。
當年賣酒人何在，今日題詩客又來。
舟繫城邊官柳發，笛

吹江上野梅開白雲只在闌干外安得乘之過
九埃

北榭

舊家行樂小亭臺珠箔青山罨畫開花月當時
人已散柳風今日燕還來舞鈿猶委宮墻草步
障曾過輦路苔一代繁華易銷歇白榆霜冷雁
聲哀

呂仙亭

道人高坐朗吟亭古蹟因知此地靈劒氣飛來

湘水白笛聲吹入楚山青階前丹棗何季熟枕
上黃梁幾日醒快我登臨塵事隔摩挲蒼蘚讀
碑銘

辛未初度和季翔見壽

日華初上萬季枝官滿雄藩未許辭初度今朝
猶是客老來多累又添兒黃花醉我留連酒白
雪驚人唱和詩珠重同袍交契在十季何日共
襟期

陸氏滄浪漁隱

子是天隨幾葉孫家藏釣具至今存秋風鱸美
時供饌春水鷗閒日到門泛宅豈殊居甫里放
舟莫擬入桃源濯纓濯足都休論且對青山倒
一尊

送監生馬駿赴京

黃鶴磯頭上驛船柁樓搥鼓下晴川客行二月
梨花後人別東風燕子前

伴讀周庠求題其師敘南遊克成先生雙

溪草堂

聞道雙溪似灤西草堂小築足幽棲楊雄奇字
知誰問杜甫新詩漫自題滿座荷風魚躍浪一
簾花雨燕爭汎白頭無意蒲輪召只恐文光動
璧奎

修竹芙蓉

水仙小隊自成雙裊裊霓旌引翠幢一夜湘君
頭盡白西風離思滿秋江

題玄真詩意圖

千峰雲氣涌如泉遠樹微茫斷復連祇有大夫

橋下路青山都屬釣魚船

墨桃花

武陵仙子絳綃裳愛向春風試艷妝
自別來顏色改可堪憔悴見劉郎

贈別

草色青青漢水新異鄉聽雨怕逢春
客懷不是今季惡頻向東風送故人

書松雪翁墨蹟後

吳興翰墨人間少白壁黃金價盡低
今日鷗波

下路王孫何處草萋萋

詠菊

越娘初試素羅裳愛向秋風學靚妝
一夜不勝瓊珮冷晚香亭館有新霜

紀夢

小宴初闌罷玉笙東風庭院好春情
流鶯啼過樓東去一樹梨花正晚晴

京口懷李翔

官柳烏啼曙色催滿衣風露早朝廻
歸期想在

重陽後為報黃花緩緩開

和鶴季先生訪補衲和尚詩

半霄峰頂擁丹霞兩策登板豈憚賒老衲倒穿
迎戶外山禽啼上石楠花

雲林先生小景為李至剛參議題

故叅池館錫山阿門逕寧容俗士過清閼閣空
詩社散蛛絲窗戶落花多


題奚瑄雲山佳處

羣峰競秀遶儂家流水當門石逕斜閉戶不知

春已去白雲滿地落松花

題畫

柴門春盡動鷗波樹色山光雨後多老去無官
能自在醉眠江閣聽漁歌



石倉十二代詩選

明詩卷之二十五 終

